



**Facilis Et Succincta S.S. Canonum Doctrina**

**Pirhing, Ehrenreich**

**Dilingæ, 1690**

Sectio II. De potestate exercendi alia Pontificalia præter collationem  
ordinum.

---

[urn:nbn:de:hbz:466:1-61641](#)

118 Tit. XI. De temporib. ordinationum, & qualitate ordinandorum.

cui incumbebat examen ordinandorum, qui præsentaverunt ordinandum talem; in defectum tamen horum etiam ipse Episcopus tenebitur, cum non tam in modum penæ hæc statuta sint, quam in Cleri honorem. Ordinati vero taliter sine titulo, si illi in culpa non fuerint, nullam penam aut suspensionem incurront, incurront tamen probabilius ab executione suscepit ordinis suspensionem, & irregularitatem, in ordine suscepto ministranter, si dolosè & mali-  
tiosè decepterunt Episcopum, fingentes v. g. titulum se habere, cum tamen non haberent; neque Episcopus, qui ordinavit tales, ad præbenda illis alimenta obligabitur: quod si tamen uterque tam Episcopus ordinans, quam ordinatus in culpa sit, ille quidem obligationem alendi subbit, hic vero suspensionem juxta can. 1. & 2. dist. 20.

§. XII.

De ordinatione, seu consecratione  
Archiepiscopi, vel Episcopi.

Vide de his, si jus antiquum nosse ve-  
lis, quod tamen in usu amplius non est,  
6. 6. & 7. b. 1. & quæsupræ dicta snt.

SECTIO. III.

De potestate exercendi alia  
Pontificalia præter collatio-  
nem ordinum.

§. I.

De insignibus Pontificalibus, &  
potestate exercendi actus Pontificales,  
qua Episcopis competit.

Insignia Episcopalia, quibus Episcopi  
de jure communii uti possunt, sunt Mi-

tra five insula, Pedum five baculus Episcopalis, annulus, caligæ, sandalia, tunicella, dalmatica, chirothecæ, & cappa pectoralis. Actus autem, quos iure proprio Episcopi vi ordinis sui exercere possunt, sunt ordines factos conferre, baptizatis Sacramentum confirmationis ministrare, populum solemnitate benedicere, conferre primam tonsuram, & minores ordines, consecrare virgines, Ecclesias, altaria, calices seu vasa sacra, corporalia, & alia paramenta sacra benedicere &c. quorum quidem aliqua simplici etiam Sacerdoti à Summo Pontifice committi possunt, non tamen abullo inferiore Episcopo; neque possunt Episcopi in aliena diœcesi sine licentia ordinari loci, aetates tales, qui jurisdictionem admixtam habent, exercere. Possunt tamen exercere in aliena etiam diœcesi etiam sine licentia ordinari loci, aetates illos Episcopales, qui nullam jurisdictionem admixtam habent (quales aetates sunt solemnitate cum paramentis Episcopilibus celebrare, solemnitate benedicere, solemniter verbum divinum prædicare) cum Tridenti prohibens exercitium Pontificium in aliena diœcesi, de illis tantum aetibus intelligendum sit, qui jurisdictionem admixtam habent. Quæ tamen omnia ita intelligi debent, ut liceant vel non liceant in aliena diœcesi, nisi consuetudo aliud habeat, prout in nostra Germania non solent Episcopi in aliena diœcesi, neque alii Prælati usum Pontificalium habentes, in Ecclesiis sibi non subiectis, aut extra proprias Ecclesias Pontificaliter celebrare sine consensu ordinari loci, quia non conceduntur talibus Pontificalia, nisi in ordine ad suam Ecclesiam, vel diœcesin.

§. II.

§. II.

*De potestate exercendi Pontificalia, que competit Abbatibus, & aliis Prælati inferioribus.*

**Q**uod Abbates, & Prælati aliqui alii etiam regulares ius habeant utendi insignibus Pontificis, & actus Pontificales exercendi, vel etiam sine insignibus Pontificis actus aliquos Pontificales exercere possunt, qualiter possunt Prælati ordinum mendicantium, vel usum habeant querendam insignium Pontificis ratione sua di-

gnitatis, non autem omnium, prout Præpositi & Canonici aliqui Ecclesiarum Cathedralium usum Mitra habent, non autem aliorum insignium, ex praxi pater, quæ fundatur, non quidem in jure communi, quod de his inferioribus Prælati nihil determinatè constituit, sed in variis privilegiis concessis, ex quibus etiam defumi debet, quos actus Pontificales hi Prælati regulares, vel inferiores Episcopis exercere possint. Consulat ergo sua privilegia, quorum haec scire interest.

---

**T I T U L U S XII.**

**DE SCRUTINIO IN ORDINE FACIENDO.**

**S**crutinium in hoc titulo aliud non dicit, quam inquisitionem sive examen ordinandorum faciendum ab eo, ad quem spectat hoc examen; quod communiter duplex est, unum quod ante ordinationem institui debet, in quo per Episcopum, vel alios ab eo deputatos, inquiritur, num idonei sint, qui ad ordinem offerunt, an nullo Canonico impedimento laborent, circa natales, circa libertatem, circa ætatem, circa mores, circa literas &c. Aliud est, quod fit in ipsa ordinatione, & in eo consistit, quod ordinarius interroget Archidiaconum præsentantem ordinandos, vel alium, per

quem juxta consuetudinem loci ordinandi præsentantur, num sciat dignos & habiles illos esse; hic vero respondeat, credere se, eos dignos esse (quia in his, in quibus certa & determinata notitia habeti non potest, admittitur testimonium de credulitate ex probabilibus indiciis prudenter præsumpta & existimata, vel ut C. uni. h. e. dicit, scire se ac testificari, eos esse dignos, quantum humana fragilitas nosse, seu scire finit, ita ut dicere hoc possit, quamvis privatâ scientiâ sciat, eorum aliquem indignum esse, modò ut persona publica hoc non sciat, & probare possit.



**TITV-**